

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ
ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ»
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ
ԽՈՐՀՈՒՐԴ**

18 հոկտեմբերի, 2022 թ.

N 24 - Լ

Ո Ր Ո Շ ՈՒ Մ

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ ՓՈՐՁԱԳԵՏ ՀԱՇՎԱՊԱՀՆԵՐԻ
ՊԱԼԱՏ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ԿՈՂՄԻՑ 2022-2023
ԹՎԱԿԱՆՆԵՐԻՆ ԱՐՏԱՔԻՆ ԳՆԱՀԱՏՄԱՆ ԵՆԹԱԿԱ ԱՌԻԴԻՏՈՐԱԿԱՆ
ԿԱԶՄԱԿԵՐՊՈՒԹՅՈՒՆՆԵՐԻ ՑԱՆԿԸ ԵՎ ԱՐՏԱՔԻՆ ԳՆԱՀԱՏՄԱՆ
ԻՐԱԿԱՆԱՑՄԱՆ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ԵՎ ՊԱԼԱՏԻ
ԽՈՐՀՐԴԻ 2021 ԹՎԱԿԱՆԻ ՆՈՅՄԲԵՐԻ 17-Ի N 62 - Լ ՈՐՈՇՈՒՄՆ
ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հիմք ընդունելով «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 6-րդ հոդվածի 2-րդ մասի 5-րդ կետը, «Աուդիտորական գործունեության մասին» ՀՀ օրենքի 21-րդ հոդվածի 4-րդ մասը, ՀՀ ֆինանսների նախարարի 2022 թվականի հոկտեմբերի 7-ի «Աուդիտորական ծառայությունների որակի հսկողության պահանջների պահպանման արտաքին գնահատման ընթացակարգերը հաստատելու մասին» թիվ 420-Ն հրամանը (այսուհետ՝ Հրաման), «Հայաստանի աուդիտորների և փորձագետ հաշվապահների պալատ» հասարակական կազմակերպության (այսուհետ՝ Պալատ) կանոնադրության 8.1.7 կետը, Պալատի Որակի պահանջների պահպանման գնահատման և Կարգապահական հանձնաժողովների կանոնադրությունները, Հաշվապահական հաշվառման և աուդիտորական գործունեության հանրային վերահսկողության խորհրդի (այսուհետ՝ ՀՎԽ) 2022 թվականի հոկտեմբերի 6-ի թիվ 28-Լ որոշումը և նկատի ունենալով Պալատի նախագահին հասցեագրված ՀՎԽ-ի 2022 թվականի հոկտեմբերի 14-ի գրությունը՝ Պալատի խորհուրդը որոշում է՝

1. Հաստատել Պալատի կողմից 2022-2023 թվականներին աուդիտորական ծառայությունների որակի հսկողության պահանջների պահպանման արտաքին գնահատման (այսուհետ՝ Արտաքին գնահատում) ենթակա աուդիտորական կազմակերպությունների ցանկը՝ համաձայն հավելվածի:

2. Արտաքին գնահատումն իրականացնել Հրամանով սահմանված արտաքին գնահատման ընթացակարգերի և Պալատի ներքին իրավական ակտերի համաձայն:

3. Արտաքին գնահատումն իրականացնել 2022թ. նոյեմբերի 15-ից մինչև 2023թ. հուլիսի 15-ը:

4. Սահմանել, որ Արտաքին գնահատումն իրականացվում է ՀՎԽ-ի և Պալատի խորհրդի կողմից ներկայացված փորձագետների խմբի կողմից:

5. Պալատի Որակի պահանջների պահպանման գնահատման և Կարգապահական հանձնաժողովներին, Արտաքին գնահատում իրականացնող փորձագետների խմբին՝ ըստ անհրաժեշտության՝ Արտաքին գնահատման արդյունքներով ներկայացնել հաշվապահական հաշվառումը և աուդիտորական գործունեությունը կարգավորող ՀՀ նորմատիվ իրավական ակտերում և Պալատի ներքին իրավական ակտերում փոփոխությունների և (կամ) լրացումների առաջարկներ և (կամ) Արտաքին գնահատմանը վերաբերող (այդ թվում նաև՝ Հրամանով սահմանված արտաքին գնահատման ընթացակարգերին) իրավական ակտերի նախագծեր:

6. Ըստ անհրաժեշտության՝ Պալատի Որակի պահանջների պահպանման գնահատման հանձնաժողովի առաջարկությամբ, Պալատի խորհրդի որոշմամբ և ՀՎԽ-ի հետ համաձայնեցմամբ համալրել 2023 թվականի երկրորդ կիսամյակում արտաքին գնահատման ենթակա աուդիտորական կազմակերպությունների ցանկը:

7. Սույն որոշումն ուժի մեջ է մտնում ՀՎԽ-ի հետ համաձայնեցվելուց և Պալատի պաշտոնական կայքում հրապարակվելուց հետո:

8. Սույն որոշումն ուժի մեջ մտնելուց հետո ուժը կորցրած ճանաչել Պալատի խորհրդի 2021 թվականի նոյեմբերի 17-ի N 62 - Լ որոշումը:

ԽՈՐՀՐԴԻ ՆԱԽԱԳԱՀ

ԹԱԹՈՒԼ ՄՈՎՍԻՍՅԱՆ

Հավելված

«Հայաստանի աուդիտորների և փորձագետ
հաշվապահների պալատ»
հասարակական կազմակերպության խորհրդի
2022 թ. հոկտեմբերի 18-ի N 24 - Լ որոշման

Հ/Հ

**ԱՐՏԱՔԻՆ ԳՆԱՀԱՏՄԱՆ ԵՆԹԱԿԱ ԱՌԻԴՏՈՐԱԿԱՆ
ԿԱԶՄԱԿԵՐՊՈՒԹՅԱՆ ԱՆՎԱՆՈՒՄԸ**

1. «Փրայստութերիաուսկուպերս Արմենիա» ՍՊԸ
2. «Գրանթ Թորնթոն» ՓԲԸ
3. «Պրոգրես-Աուդիտ» ՓԲԸ
4. «Փըրֆեքթ Աուդիտ» ՍՊԸ
5. «Թրասթ Աուդիտ» ՓԲԸ
6. «Քեյ-Փի-Էմ-Ջի Արմենիա» ՍՊԸ
7. «Այ Էֆ Փի» ՍՊԸ
8. «Էյ-Էն Աուդիտ» ՓԲԸ